



ქალაქ ფოთის მუნიციპალიტეტის საკრებულო

განკარგულება № 3/5

2019 წლის 30 იანვარი

ქალაქი ფოთი

ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის უფროსის მოვალეობის შემსრულებლის 2018 წლის ანგარიში გაწეული მუშაობის შესახებ

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, საკრებულოს კომპეტენციაა აღმასრულებელი ორგანოებისა და ამ ორგანოების თანამდებობის პირების ანგარიშების მოსმენა და შეფასება.

აღნიშნულიდან გამომდინარე:

მუხლი 1.

ცნობად იქნას მიღებული ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის უფროსის მოვალეობის შემსრულებლის 2018 წლის ანგარიში გაწეული მუშაობის შესახებ.

მუხლი 2.

ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის მუშაობა შეფასდეს დადებითად.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი. აღმაშენებლის ქუჩა №3)

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარე

ირაკლი კაკულია



ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და
ტრანსპორტის სამსახურის უფროსის მოვალეობის შემსრულებლის 2018 წლის ანგარიში გაწეული
მუშაობის შესახებ

ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და
ტრანსპორტის სამსახური უზრუნველყოფს ქალაქ ფოთის მუნიციპალიტეტის მიერ შესყიდული
სამშენებლო სამუშაოების შესრულების კონტროლსა და მონიტორინგს, სახელმწიფო შესყიდვების
შესახებ ხელშეკრულების პირობების შესრულების კონტროლს, სახელმწიფო შესყიდვების
დოკუმენტაციების მომზადებას, მუნიციპალური ინფრასტრუქტურის განვითარების პროგრამების
შემუშავებას და მათი განხორციელების მონიტორინგს, მუნიციპალურ ნარჩენებთან დაკავშირებით
საკითხების მომზადებას, ნაპირგამაგრებითი, წყალარინებისა და მელიორაციის საკითხებთან
დაკავშირებით დოკუმენტაციის მომზადებას, მუნიციპალიტეტის ადმინისტრაციულ საზღვრებში
ადგილობრივი საქალაქო რეგულარული სამგზავრო გადაყვანის დაგეგმარებას, მარშუტებისა და
გრაფიკების დადგენას, ადგილობრივი საქალაქო რეგულარული სამგზავრო გადაყვანის შესახებ
შესაბამის ნებართვის გაცემასთან დაკავშირებით დოკუმენტაციის მომზადებას. სამსახური
დამტკიცებული დებულების თანახმად შედგება სამი განყოფილებისაგან, რომელთა მუშაობის შედეგებს
წარმოგიდგენთ განყოფილებების მიხედვით.

საპროექტო-სახარჯთაღრიცხვო და მშენებლობის განყოფილება

დამთავრებული ობიექტები:

1. ქალაქ ფოთში, ახალ რაიონში საბავშვო ბაღის მიმდებარე ეზოს მოწყობის სამუშაოები 2018 წლის 27 თებერვლის N25 ხელშეკრულების საფუძველზე შეასრულა შპს „ტოტალ“-მა. სახელშეკრულებო ღირებულება განისაზღვრა თანხით 18467 ლარი. სამუშაოები დასრულდა 2018 წლის 27 მარტს თანხით 18436,97 ლარი.
2. ქალაქ ფოთში, სასწრაფო სამედიცინო დახმარების სადგურის ეზოს მოწყობის სამუშაოები 2018 წლის 22 მაისის N76 ხელშეკრულების საფუძველზე შეასრულა შპს „ოსო“-მ. სახელშეკრულებო ღირებულება განისაზღვრა თანხით 16921,20 ლარი. სამუშაოები დასრულდა 2018 წლის 29 ივნისს თანხით 16921,20 ლარი.
3. ქალაქ ფოთში, საგანგებო სიტუაციების და კოორდინაციისა და გადაუდებელი დახმარების ცენტრის სასწრაფო სამედიცინო დახმარების შენობის მშენებლობა 2017 წლის 07 ნოემბრის N122 ხელშეკრულების საფუძველზე განახორციელა შეზღუდული პასუხისმგებლობის ამხანაგობა „მშენებლობის კასპიისპირეთის სამმართველომ“. სახელშეკრულებო ღირებულება შეადგენდა 364190,58 ლარს. ობიექტი ჩაბარდა 2018 წლის 08 აგვისტოს თანხით 361351,76 ლარი.
4. ქალაქ ფოთში, სპორტული დარბაზის რეკონსტრუქციის (ნ.ქვანიას ქუჩაზე მდებარე სპორტული დარბაზის კაპ.შეკეთება) 2017 წლის 23 აგვისტოს N108 ხელშეკრულების საფუძველზე განახორციელა შეზღუდული პასუხისმგებლობის ამხანაგობა „მშენებლობის კასპიისპირეთის სამმართველომ“. სახელშეკრულებო ღირებულება შეადგენდა 548828,13 ლარს. ობიექტი ჩაბარდა 2018 წლის 31 ივლისს თანხით 528265,52 ლარი.
5. ქალაქ ფოთში, 26 მაისის ქუჩა N6-ში მდებარე N1 ბაღი, აკაკის ქუჩა N42-ში მდებარე N6 ბაღი, მარჯანიშვილის ქუჩა N17-ში მდებარე N10 ბაღი, თამარ მეფის ქუჩა N102-ში მდებარე N16, გურიის ქუჩა N195-ში მდებარე N13 საბავშვო ბაღების შენობის გაზიფიცირების სამუშაოები 2018 წლის 20

აპრილის N60 ხელშეკრულების საფუძველზე განახორციელა შპს „ალმა-რუს საქართველოს ფილიალმა“. სახელშეკრულებო ღირებულება შეადგენდა 180288,87 ლარს. ობიექტი ჩაბარდა 2018 წლის 23 აგვისტოს თანხით 174292,50 ლარი.

6. ქალაქ ფოთში, დავით აღმაშენებლის ქუჩა N8, 9 აპრილის ხეივანი N18 და 25 საცხოვრებელი სახლების სახურავების სარეაბილიტაციო სამუშაოები 2018 წლის 25 აპრილის N62 ხელშეკრულების საფუძველზე განახორციელა შპს „გილანი XXI“-მა. სახელშეკრულებო ღირებულება შეადგენდა 156201,64 ლარს. ობიექტი ჩაბარდა 2018 წლის 24 აგვისტოს თანხით 142942,21 ლარი.
7. ქალაქ ფოთში, რუსთაველის ქუჩა ,კოსტავას ქუჩა რუსთაველის რკალიდან 8 მარტის ქუჩამდე, ჭანტურიას ქუჩა , აკაკის ქუჩა, წმ.გიორგის ქუჩა, ბარათაშვილის ქუჩა, ნინოშვილის ქუჩა, ჩხეიძის ქუჩა, ლოლუას ქუჩა კოსტავას ქუჩიდან ფარნავაზ მეფის ქუჩამდე, ლაგრანჯეს ქუჩა, ფარნავაზ მეფის ქუჩა, ზერაგიას ქუჩა, გამსახურდიას ქუჩა რუსთაველის რკალიდან ზამბახიძის ქუჩამდე, სამეგრელოს მოედანი, მარჯანიშვილის ქუჩა, ნიკოლაძის სანაპირო, 9 აპრილის ხეივანი, რეკვავას ქუჩა, კლდიაშვილის ქუჩა, ვაჟა ფშაველას ქუჩა, გორგასალის ქუჩა, შავი ზღვის სანაპირო, ფალიაშვილის ქუჩა, ჯავახიშვილის ქუჩა, ლერმონტოვის ქუჩა გურიის ქუჩიდან გაგრის ქუჩის შესასვლელამდე ქუჩების ორმული შეკეთების სამუშაოები 2018 წლის 24 აგვისტოს N108 ხელშეკრულების საფუძველზე შეასრულა შპს „გზა-მშენებელი 13“-მა. სახელშეკრულებო ღირებულება შეადგენდა 99474 ლარს. სამუშაოები დასრულდა 2018 წლის 08 ოქტომბერს, თანხით 99342,14 ლარი.
8. კულტურული მემკვიდრეობის სარესტავრაციო სამუშაოების, ნიკო ნიკოლაძის მემორიალური ავეჯის სარესტავრაციო სამუშაოები 2018 წლის 14 სექტემბრის N120 ხელშეკრულების საფუძველზე განახორციელა ფ/პ ვახტანგ ხოშტარიამ. სახელშეკრულებო ღირებულება შეადგენდა 9975 ლარს. სამუშაოები დასრულდა 2018 წლის 02 ოქტომბერს თანხით 9975 ლარი.
9. ქალაქ ფოთში, უპოვართა სასადილოს დარბაზის კაპიტალური შეკეთების სამუშაოები 2018 წლის 30 აგვისტოს N109 ხელშეკრულების საფუძველზე შეასრულა შპს „გუდა-1979“-მა. სახელშეკრულები თანხა შეადგენდა 39200,78 ლარს. სამუშაოები დასრულდა 2018 წლის 31 ოქტომბერს თანხით 39157,84 ლარი.
10. ქალაქ ფოთში, ცენტრალური ქუჩების ტროტუარების კეთილმოწყობის (ფარნავაზ მეფის ქუჩა სამეგრელოს მოედნიდან რუსთაველის რკალამდე) სამუშაოებს 2018 წლის 21 მაისის N74 ხელშეკრულების საფუძველზე შეასრულა შპს „მ.გ.მ.“-მა. სახელშეკრულებო ღირებულება განისაზღვრა თანხით 365229,17 ლარი. სამუშაოები დასრულდა 2018 წლის 02 ნოემბერს თანხით 321400,40 ლარი.
11. ქალაქ ფოთში, დადიანის მოედნის განათების სამუშაოები 2018 წლის 27 სექტემბრის N123 ხელშეკრულების საფუძველზე შეასრულა შპს „ტოტალ“-მა . სახელშეკრულებო ღირებულება შეადგენდა თანხით 25285,56 ლარს. სამუშაოები დასრულდა 2018 წლის 29 ნოემბერს თანხით 24722,32 ლარი.
12. ქალაქ ფოთში გალერეისა და გზის დაზიანებული ასფალტოსაფარის აღდგენით სამუშაოებს (9 აპრილის ხეივნისა და ნიკო ნიკოლაძის სანაპიროს კვეთაზე) 2018 წლის 08 ნოემბრის N137 ხელშეკრულების საფუძველზე შეასრულა შპს „გზა-მშენებელი 13“-მა. სახელშეკრულებო ღირებულება შეადგენდა თანხით 25291 ლარს. სამუშაოები დასრულდა 2018 წლის 27 ნოემბერს თანხით 24830,74 ლარი.
13. ქალაქ ფოთში, დიდების მემორიალის კაპ.შეკეთების სამუშაოებს 2018 წლის 27 სექტემბრის N124 ხელშეკრულების საფუძველზე ასრულებდა შპს „ტოტალ“-ი. სახელშეკრულებო ღირებულება შეადგენდა 67523,14 ლარს. სამუშაოები დასრულდა 2018 წლის 20 დეკემბერს. სამუშაოები დასრულდა 20 დეკემბერს თანხით 66059,75 ლარი.

14. ქალაქ ფოთში, N11, N12, N13, N14, N15, N17 სკოლამდელი სააღმზრდელო დაწესებულების კაპ.შეკეთების სამუშაოებს 2018 წლის 28 სექტემბრის N126 ხელშეკრულების საფუძველზე ასრულებდა შპს „ტოტალ“-ი. სახელშეკრულებო ღირებულება შეადგენდა 93669,56 ლარს. სამუშაოები დასრულდა 2018 წლის 17 სექტემბერს. შესრულებული სამუშაოების აქტი ფორმა N2 გაგზავნილია დასაქასპერტებლად შპს „თი აი ჯი აუდიტ ესკორტში“.

მიმდინარე ობიექტები:

1. სტადიონის რეაბილიტაციის სამუშაოებს 2017 წლის 04 ივნისის N86 ხელშეკრულების საფუძველზე ასრულებს შპს „ელიტა ბურჯი“. სახელშეკრულებო ღირებულება შეადგენს 2 013 317,99 ლარს. სამუშაოს დასრულების ვადა განისაზღვრა 2019 წლის 20 თებერვლის ჩათვლით. მიმდინარეობს მუშაობა.
2. მალთაყვის სანაპირო ზოლის (მათ შორის მისასვლელი გზა) რეაბილიტაციის სამუშაოებს 2017 წლის 30 ივნისის N84 ხელშეკრულების საფუძველზე ასრულებს ფ/წ „ანტ სტროი ლტდ 2016“. სახელშეკრულებო ღირებულება შეადგენს 3805925,79 ლარს. სამუშაოს დასრულების ვადა განისაზღვრა 2018 წლის 25 დეკემბრის ჩათვლით.
3. ქალაქ ფოთში, დიმიტრი თავდადებულის ქუჩა N11; მემედ აბაშიძის N14; ნელი არზიანის N9, N11, N13; ბარათაშვილის N25, ზამბახიძის N26, გამსახურდიას N16 ს/სახლების ეზოების კეთილმოწყობის სამუშაოებს 2018 წლის 07 სექტემბრის N114 ხელშეკრულების საფუძველზე ასრულებს შპს „შანსი-2010“. სახელშეკრულებო ღირებულება შეადგენს 193102 ლარს. სამუშაოს დასრულების ვადა განისაზღვრა 2018 წლის 06 დეკემბრის ჩათვლით. (ერიცხება ჯარიმა) შესრულებული სამუშაოების აქტი ფორმა N2-ით დაფიქსირებულია 72348,95 ლარი.
4. 2018 წლის 30 ნოემბრის სტიქიის (ძლიერი ქარი) შედეგად დაზიანებული 9 აპრილის ხეივანი N23 ს/სახლის სახურავის კაპიტალური შეკეთების სამუშაოებს 2018 წლის 27 დეკემბრის N156 ხელშეკრულების საფუძველზე ასრულებს შპს „ოჩე“. სახელშეკრულებო ღირებულება შეადგენს 61079,79 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
5. 2018 წლის 30 ნოემბრის სტიქიის (ძლიერი ქარი) შედეგად დაზიანებული 9 აპრილის ხეივანი N28 ს/სახლის სახურავის კაპიტალური შეკეთების სამუშაოებს 2018 წლის 27 დეკემბრის N155 ხელშეკრულების საფუძველზე ასრულებს ინდ/მეწარმე „ელდარ ჯოჯუა“. სახელშეკრულებო ღირებულება შეადგენს 124051,60 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
6. 2018 წლის 30 ნოემბრის სტიქიის (ძლიერი ქარი) შედეგად დაზიანებული 9 აპრილის ხეივანი N19 და სამეგრელოს ქუჩა N24 ს/სახლის სახურავის კაპიტალური შეკეთების; აღმაშენებლის ქუჩა N24, გეგიძის ქუჩა N15, გორგასალის ქუჩა N10, ახალ რაიონში მდებარე მრავალსართულიანი საცხოვრებელი სახლების სახურავის რემონტის; მარჯანიშვილის ქუჩა N17-ში მდებარე N10 სკოლამდელი სააღმზრდელო დაწესებულების და თამარ მეფის ქუჩა N54-ში მდებარე N17 სკოლამდელი სააღმზრდელო დაწესებულების სახურავის კაპიტალური შეკეთების სამუშაოებს 2018 წლის 27 დეკემბრის N158 ხელშეკრულების საფუძველზე ასრულებს შპს „მემონტაჟე-2014“. სახელშეკრულებო ღირებულება შეადგენს 250944,23 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
7. 2018 წლის 30 ნოემბრის სტიქიის (ძლიერი ქარი) შედეგად დაზიანებული სამეგრელოს ქუჩა N22, N28 და ელადას ქუჩა N14, N19 ს/სახლების სახურავის კაპიტალური შეკეთების სამუშაოების 2018 წლის 27 დეკემბრის N160 ხელშეკრულების საფუძველზე ასრულებს შპს „უნივერსალი“. სახელშეკრულებო

* ღირებულება შეადგენს 236691 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.

- 8.2018 წლის 30 ნოემბრის სტიქიის (ძლიერი ქარი) შედეგად დაზიანებული პუშკინის ქუჩა N69, სამეგრელოს ქუჩა N20, ფარნავაზ მეფის ქუჩა N3, ბარათაშვილის N25 და ზამბახიძის N28 ს/სახლების სახურავების და ჩხეიძის ქუჩა N37-ში მდებარე N5 და ჯიქიას ქუჩა N3-ში მდებარე N11 სკოლამდელი სააღმზრდელო დაწესებულების სახურავის კაპიტალური შეკეთების სამუშაოებს 2018 წლის 27 დეკემბრის N161 ხელშეკრულების საფუძველზე ასრულებს შპს „რიონი-2018“. სახელშეკრულებო ღირებულება შეადგენს 190667,54 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
- 9.2018 წლის 30 ნოემბრის სტიქიის (ძლიერი ქარი) შედეგად დაზიანებული ბარათაშვილის, ჭავჭავაძის, ერთობის ქუჩებზე და ნიკოლაძის სანაპიროზე მდებარე მინი სტადიონების სარემონტო სამუშაოებს 2018 წლის 27 დეკემბრის N162 ხელშეკრულების საფუძველზე ასრულებს ინდ/მეწარმე „ალიკა სერგია“. სახელშეკრულებო ღირებულება შეადგენს 24079,86 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
10. 2018 წლის 30 ნოემბრის სტიქიის (ძლიერი ქარი) შედეგად დაზიანებული გურიის ქ. N181 მრავალბინიანი ს/სახლის სახურავის კაპიტალური შეკეთების სამუშაოებს 2018 წლის 27 დეკემბრის N163 ხელშეკრულების საფუძველზე ასრულებს შპს „მოდული“. სახელშეკრულებო ღირებულება შეადგენს 21419,10 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
11. 2018 წლის 30 ნოემბრის სტიქიის (ძლიერი ქარი) შედეგად დაზიანებული ჭავჭავაძის ქუჩა N154-ში მდებარე N14 სკოლამდელი სააღმზრდელო დაწესებულების სახურავის კაპიტალური შეკეთების სამუშაოებს 2018 წლის 31 დეკემბრის N169 ხელშეკრულების საფუძველზე ასრულებს ინდ/მეწარმე „ფრიდონ შენგელია“ სახელშეკრულებო ღირებულება შეადგენს 24956,91 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.
12. 2018 წლის 30 ნოემბრის სტიქიის (ძლიერი ქარი) შედეგად დაზიანებული ჭყონდიდელის ქუჩა N18 ს/სახლის სახურავის კაპიტალური შეკეთების, ჭავჭავაძის ქუჩა N144, N148, N150, N152, N156, N158 ს/სახლის ლიფტის შახტის სახურავის კაპიტალური შეკეთების სამუშაოებს, 2018 წლის 27 დეკემბრის N159 ხელშეკრულების საფუძველზე ასრულებს შპს „ჯი არ სი“, სახელშეკრულებო ღირებულება შეადგენს 55416,26 ლარს. სამუშაოების დასრულების ვადა განისაზღვრა 2019 წლის 28 თებერვლის ჩათვლით.

ინფრასტრუქტურის, წყალარინებისა და მელიორაციის განყოფილება

განყოფილება უზრუნველყოფს მუნიციპალური ინფრასტრუქტურული ობიექტების მოვლა-პატრონობის განხორციელებას და ზედამხედველობას, კერძოდ:

მრავალსართულიანი ს/სახლების ლიფტების მოვლა-პატრონობა - შპს „ფოთი ლიფტი“ (დირექტორი მერაბ როყვა).

მაკონტროლებელი - ინფრასტრუქტურის, წყალარინებისა და მელიორაციის განყოფილების უფროსი სპეციალისტი - თემური ოდიშარია

2018 წელს, მრავალსართულიანი ს/სახლების ლიფტების მოვლა-პატრონობის კუთხით გათვალისწინებული იყო 27 239 ლარი. ფაქტიურმა შეადგინა 27 186,03 ლარი. (სატენდერო

განცხადების ნომერი: SPA180002841 12.03.2018წ. ხელშეკრულება N47, 05.04.2018 – 31.12.2018; შეთანხმება N47/1 17.10.2018წ.). მომსახურების გაწევის ვადა - 2018 წლის 05 აპრილიდან 2018 წლის 31 დეკემბრის ჩათვლით.

ზემოაღნიშნული ორგანიზცია ემსახურება რვა და ცხრა სართულიან 42 სახლში არსებულ 65 ერთეულ სამგზავრო ლიფტს. მომსახურება მოიცავს: ლიფტის ძალოვან ტრანსფორმატორებზე, მართვის კარადაზე, ელექტრო ძრავებზე და გამშვები აპარატურის მუშაობაზე მუდმივი მეთვალყურეობის დაწესებას, მათი გამართულ მდგომარეობაში ფუნქციონირების უზრუნველყოფის მიზნით, საჭიროების შემთხვევაში მიმდინარე რემონტს.

ლიფტების გაუმართაობის შესახებ მოსახლეობისაგან ინფორმაციის მიღება ხდება სატელეფონი კავშირით, ყოველ შემოსულ ზარზე ხდება ოპერატიული რეაგირება.

უმეთვალყურეოდ დარჩენილი ცხოველების იზოლაცია, კერძოდ: მოხეტიალე ძაღლების თავშესაფარში გადაყვანის მომსახურება - შემსრულებელი ი/მ „გიორგი მაღლაფერიძე“.

მაკონტროლებელი - ინფრასტრუქტურის, წყალარინებისა და მელიორაციის განყოფილების უფროსი სპეციალისტი - ემზარ კუპრაძე.

2018 წელს, უმეთვალყურეოდ დარჩენილი ცხოველების იზოლაციისთვის, კერძოდ: მოხეტიალე ძაღლების თავშესაფარში გადაყვანის მომსახურებისთვის გათვალისწინებული იყო 29983,80 ლარი, ფაქტიურმა შესრულებამ შეადგინა 29983,80 ლარი, დღგ-ს ჩათვლით. (სატენდერო განცხადების ნომერი: SPA180004038 19.04.2018წ. ხელშეკრულება N67, 07.05.2018 – 20.12.2018). მომსახურების გაწევის ვადა - 2018 წლის 07 მაისიდან 2018 წლის 20 დეკემბრის ჩათვლით.

მომსახურება მოიცავს: მაწანწალა ძაღლების დაჭირას და მათ გადაყვანას თავშესაფარში (სულ 363 ძაღლი). თავშესაფარში გადაყვანილი ცხოველების შესაბამისი გამოკვლევების შემდგომ მათი სტერილიზაცია, კარტრაცია, ვაქცინაცია და სხვა ვეტერინალური მომსახურების გაწევა, მარკირება ყურის კლიპის მეშვეობით (დაბირკვა) და არეალში დაბრუნება.

საანგარიშო პერიოდში იზოლირებულ იქნა 363 მაწანწალა ძაღლი (შემოვიდა 81 სატელეფონო შეტყობინება, 5 განცხადება).

საახალწლო და სადღესასწაულო ქალაქების დემონტაჟი (შპს „გელმარი“).

მაკონტროლებელი - ინფრასტრუქტურის, წყალარინებისა და მელიორაციის განყოფილების უფროსი სპეციალისტი - თემური ოდიშარია

2018 წელს, ქალაქ ფოთში, საახალწლო და სადღესასწაულო ქალაქების დემონტაჟისთვის გათვალისწინებული იყო 13738,74 ლარი, ფაქტიურმა შესრულებამ შეადგინა 13424,28 ლარი (ხელშეკრულება N6 29.01.2018).

საახალწლო ქალაქების დემონტაჟისთვის ინვენტარის შეძენა (გამარტივებული შესყიდვა - შპს „დანდი“), ღირებულება 4862 ლარი.

ინფრასტრუქტურული ობიექტების მოვლა-პატრონობას ახორციელებს ა(ა)იპ „ქალაქ ფოთის მუნიციპალიტეტის სერვისების ცენტრი“, რომლის შესრულებული სამუშაოების მიმდინარეობის კონტროლი ევალება ინფრასტრუქტურის, წყალარინებისა და მელიორაციის განყოფილების თანამშრომლებს:

ინფრასტრუქტურული ობიექტები: სანიაღვრე არხების, სატუმბი სადგურების, გარე განათების, საბინაო ფონდის, ცენტრალური პარკების მოვლა-პატრონობა, უმეთვალყურეოდ დარჩენილი ცხოველების იზოლაცია (ძროხები), ქალაქის ქუჩების დაგვა-დასუფთავება, საყოფაცხოვრებო

ნარჩენების გატანა, დასუფთავების მოსაკრებლის ადმინისტრირება, ქუჩების დაგრეიდერება, ქუჩების მონიშვნა, გარე განათების და სატუმბი სადგურების ელ. ენერგიის ხარჯები. სამსახურში შექმნილია მუნიციპალიტეტის ტერიტორიაზე მწვანე ნარგავების დაცვის, მოვლის, აღდგენისა და შესაბამისი ნებართვის გაცემის შემსწავლელი მუშა ჯგუფი, რომელიც იხილავს ხეების მოჭრა-ფორმირებასთან დაკავშირებულ საკითხებს, ასევე სამსახურის თანამშრომლები ჩართულები იყვნენ სტიქისაგან მიყენებული ზარალის დათვლის კომისიაში და სალიკვიდაციო სამუშაოების ზედამხედველობაში.

2018 წლის ივლისის თვეში ჩატარდა კონფერენცია გარემოსდაცვითი პროექტების შესახებ, მსოფლიო ბანკისა და შვეიცარიის განვითარებისა და თანამშრომლობის სააგენტოს მიერ დაფინანსებული პროგრამის ფარგლებში, კერძოდ:

1. პალიასტომის ტბის ჰიდროდინამიური რეჟიმის აღდგენა და მდ. კაპარჭინის გაწმენდა;
2. მდ. რიონის ქალაქის შტოს არხის გაწმენდა და ზღვის შესართავი შტოს აღდგენა;
3. ზღვის ნაპირდამცავი მოტივტივე ტალღაშემარბილებელი ჰიდროტექნიკური ნაგებობის ინოვაციური პროექტის პრეზენტაცია;
4. მდინარის (რიონი, კაპარჭინა) შლამის გამოყენება.

გრძელდება მონაწილეობა აღნიშნულ პროგრამაში.

ასევე, მთავრობის დადგენილების საფუძველზე მიღებული ნარჩენების მართვის 5 წლიანი გეგმის შესაბამისად, ა(ა)იპ „ქალაქ ფოთის მუნიციპალიტეტის სერვისების ცენტრთან“ შეიქმნა ზედამხედველობის ჯგუფი, რომელიც განახორციელებს პროგრამის აღსრულებას, კერძოდ, 2019 წლის 1 თებერვლიდან დაიწყება ნარჩენების გატანის სეპარირებულ სისტემაზე გადასვლა და სხვა.

ტრანსპორტის განყოფილება

(მიკროავტობუსები, ავტობუსები)

ქალაქ ფოთის მუნიციპალიტეტის საკრებულოს 2015 წლის 8 ივლისის N17/23 დადგენილებით, ქალაქ ფოთის ადმინისტრაციულ საზღვრებში დაწესებულია ადგილობრივი საქალაქო რეგულარული სამგზავრო გადაყვანის 22 მარშრუტი (M2 კატეგორია), საიდანაც 17 სამარშრუტო ხაზზე მოიპოვეს ნებართვები კონკურსანტებმა (ინდ/მეწარმეებმა).

ქალაქ ფოთის მუნიციპალიტეტის მერის 2017 წლის 13 ნოემბრის №849 ბრძანების საფუძველზე გამოცხადებულ კონკურსში გამარჯვებულად გამოვლინდა 64 ინდ/მეწარმე, მგზავრთა გადაყვანის მოსაკრებლის თანხა შეადგენს თითო მიკროავტობუსისთვის 25 ლარს თვეში. თანხა ირიცხება ადგილობრივ ბიუჯეტში. (წლის განმავლობაში გაუქმდა 4 ინდ/მეწარმის მგზავრთა გადაყვანის ნებართვა, პირადი განცხადების საფუძველზე).

მიკროავტობუსების 100% კერძო საკუთრებაა. მგზავრობის ფასი მიკროავტობუსებისთვის შეადგენს 50 თეთრს, გამონაკლისს წარმოადგენს №5 სვლაგეზზე მოძრავი მიკროავტობუსი, რომლითაც მგზავრობის ღირებულებაა 40 თეთრი.

ქალაქ ფოთის მუნიციპალიტეტის მერის 2018 წლის 25 მაისის N602 ბრძანების თანახმად გამოცხადებულ კონკურსში მონაწილეობა მიიღო შპს „ფოთიქალაქტრანსპორტმა“ (ნებართვა გაიცა 3 ერთეულ ავტობუსზე, ავტობუსმა, სახ. ნომერი XB-881-BX ვერ დააკმაყოფილა საკონკურსო პირობები) და 4 ინდ/მეწარმემ.

ყოველდღიურად სვლა-გეზზე მუშაობს 3 შიდასაქალაქო ავტობუსი, ერთი ავტობუსი ემსახურება შეზღუდული შესაძლებლობების მქონე ბავშვთა დღის ცენტრის ბენეფიციარებს.

საქალაქო ავტობუსებით მგზავრობაზე, ადგილობრივი მუნიციპალიტეტის მიერ დადგენილია შეღავათიანი ტარიფი 30 თეთრი და იგი ვრცელდება მოსახლეობის ყველა ფენაზე. საქალაქო ავტობუსების სუბსიდირება ყოველწლიურად შეადგენს 80,0 (ოთხმოცი ათასი) ლარს. სკოლის მოსწავლეები საქალაქო ტრანსპორტით მგზავრობენ უფასოდ.

ყოველწლიურად ცხადდება კონკურსი ადგილობრივი საქალაქო რეგულარული სამგზავრო გადაყვანის ნებართვის მოსაპოვებლად. გამარჯვებულზე ნებართვა გაიცემა ერთი წლის ვადით. ქალაქ ფოთის მუნიციპალიტეტის მერის 2018 წლის 22 მაისის N583 ბრძანების საფუძველზე, ტრანსპორტის განყოფილების უფროსი გოდერმი შონია ახორციელებს, სოციალურად დაუცველი შესრულების კონტროლსა და ტექნიკურ ზედამხედველობას.

ქალაქ ფოთის მუნიციპალიტეტის მერიის
ინფრასტრუქტურული პროექტების მართვისა
და ტრანსპორტის სამსახურის უფროსის
მოვალეობის შემსრულებელი



კახაბერ მაშავა